

**Uunga siunnersuut: Naligiissitaaneq assigiinngisitsinnginnissarlu pillugit Inatsisartut
inatsisaat**

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSISSIONTAA

Ataatsimiititalip suliarinninnermini kingullermik ilaasortarai:

Inatsisartunut ilaasortaq Anders Olsen, Siumut, siulittaasoq

Inatsisartunut ilaasortaq Mette Arqe-Hammeken, Naleraq, siulittaasup tullia

Inatsisartunut ilaasortaq Harald Bianco, Inuit Ataqatigiiit

Inatsisartunut ilaasortaq Asii Chemnitz Narup, Inuit Ataqatigiiit

Inatsisartunut ilaasortaq Kuno Fencker, Siumut

UKA2023-mi ulloq 27. septemberimi siullermeerinninnerup kingorna ataatsimiititalip inatsisisstatut siunnersuut misissorpaa.

Siunnersuutip imarisaa siunertaalu

Inatsisartut inatsisaanni matumani siunertaavoq assigiinngisitsinernik akiuniarnissaq aammalu suiaassutsip, naartunerup, meeravissiartaarnerup, erninermi sulinngiffeqarnerup, kinguaassiu-
titigut sammiviup, suiaassutsini kinaassuseqarnerup, suiaassutsimik takutitsinerup, suiaassutsit ilisarnaataasa, kingoqqiffiup, ammip qalipaataata, inuiaqatigiinni, inooqatigiinnermi imaluun-
niit inuianni pinngorfiup, innarluuteqarnerup, ukiut, politikkikkut isiginnittaatsip, upperisap imaluunniit upperisaqarneq apeqqutaatinnagut naligiimmik pisinnaatitaaffeqarnerup periarfis-
saqarnissallu qulakkeerneqarnissaat. Inatsisartut inatsisaat inuiaqatigiinnut tunngasuni tamani atuuppoq, taamaattorli ilaqtariit inuuneranni assigiinngisitsinermik allatulluunniit namminin-
narmut tunngasunut atuunnani.

Naligiissitaaneq pillugu aalajangiisartunik inatsimmi matumani assigiinngisitsinissamut iner-
teqqummik unioqqutitsineq pillugu naammagittaalliuutinik suliaqarsinnaasunik pilersitsisoqar-
nissaa siunnersuutigineqarpoq. Assigiinngisitsinissamut inerteqquteqarneq unioqqutinnejqar-
pat, aalajangiisartut aalajangiisinsinnaapput taarsiinissamillu akuersisinnaallutik. Aalajangiisartut pilersinneqarneranni siunertaavoq eqqartuussivimmi suliakkiinngikkaluarluni

assigiinngisitsinermut naammagittaalliornerup suliarineqarnissaanut innuttaasunut ataasiakkaanut assigiaarnerusumik periarfissaqlersitsinissaq.

Pisortatigoortumik ataatsimiititaliat, siulersuisut il.il. allaffissornermut aamma/imaluunniit teknikkinut tunngassutillit Naalakkersuisunit pilersinneqartut, inatsimmi suaassutsit katitigaane-rannut, tassa angutit arnallu sapinngisamik amerlaqatigiinnissaannik piumasaqaammi pineqartunut ilaatinneqassasut siunnersuutigineqarpoq.

Siunnersuut malillugu Naligiissitaanermut Siunnersuisoqatigiit suliassaat aamma amerlissapput, soorlu inuiaqatigiinni naligiissitaaneq pillugu ilisimasanik katersineq, ineriartortitsineq ingerlatitseqqinnerlu kiisalu naligiissitaaneq pillugu paasissutissanik tamat malinnaatinnissaat. Tamatuma saniatigut isumassarsianik, siunnersuutinik suliniutissanillu inuiaqatigiinni naligiissitaanermut nukittorsaasussanik Naligiissitaanermut Siunnersuisoqatigiit suliaqarsinnaassapput. Aammattaaq Naligiissitaanermut Siunnersuisoqatigiit ukiumoortumik nalunaarummik tamanut saqqummiisassapput.

Siunnersuutip Inatsisartunit siullermeerneqarnera

Inatsisisstatut siunnersuutip siullermeerneqarnerani innuttaasunik assigiinngisitsisarnerup inerteqquaanissaa partiinit isumaqatigineqarpoq. Inatsisisstatulli siunnersuut manna aaq-qiissutissatut ilumut eqqortuunersoq partiit ilaasa qularutigaat.

Inatsisartuni ilaasortat amerlanerussuteqartut inatsisisstatut siunnersuut Inatsisinut Ataatsimii-titaliamut suliarineqartussanngorlugu innersuuppaat.

Allanguutissatut siunnersuut

Ulloq atuutilerfissaa, ilusiligaanerata iluarsaaneeqarnera, kalaallisunngortinnejnarerata iluarsaaneeqarnera inatsisillu iliusiligaaneranut oqaasertaliussat ilangunneqarnerat pillugit aappassaaneerinninnissamut allannguutissatut siunnersummik Naalakkersuisut saqqummiussipput.

Tusarniaanermut akissutit

Ataatsimiititaliaq inatsisisstatut siunnersummik matuminnga suliarinninnermini atugassatut tusarniaanermut akissutit assilinerinik pissarsiniarpoq. Ataatsimiititaliap Naalakkersuisunut eqqaasitsissutigissavaa Inatsisartut Siulittaasoqarfiata iluserititassatut piumasaqaatai naapertorlugit tusarniaanermut akissutit inatsisisstatut siunnersuutinut Inatsisartunut suliassanngortinnejartunut ilangunneqartartussaammata.

Nassuaatit

Inatsisisatut siunnersummi § 8, imm. 3 pillugu Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisumit nassuaat Inatsisinut Ataatsimiititaliamit ulloq 19. maj 2024-mi tiguneqarpoq. Nassuaatit assilinera ilanngussaq 1-itut ilanngunneqarpoq.

Sassartitsinerit

Inuit Pisinnaatitaaffii pillugit Siunnersuisoqatigiit ulloq 6. maj 2024-mi Inatsisinut Ataatsimiititaliamut sassartinneqarput. Inuit Pisinnaatitaaffii pillugit Siunnersuisoqatigiit nalunaarusiaata: KALAALLIT NUNAANNI LGBTQIA+-JUNEQ, assilinera ilanngussatut 2-tut ilanngunneqarpoq.

Ulloq 29. april 2024-mi inuit innarluutillit illersuisuat Inatsisinut Ataatsimiititaliamut sassartinneqarpoq. Inuit innarluutillit illersuisoqarfiata Tiliup naligiissitaaneq assigiinngisitsinnginnissarlu, tassungalu ilanngullugu Naligiissitaaneq pillugu aalajangiisartut inatsimmik unioqqutitsinerit pillugit naammagittaalliuutinik suliarinnissinnaasoq pillugit tunuliaqtitut allakkiaa ilanngussaq 3-tut ilanngunneqarpoq.

Ataatsimiinnerit

Inatsisinut Ataatsimiititaliap ulloq 15. marts 2024-mi inuit pisinnaatitaaffii pillugit institutimi Københavnimiittumi ataatsimiippoq, tamatumani Danmarkimi nunanilu tamalaani naligiissitaaneq assigiinngisitsinnginnissarlu pillugit maleruaqqusat nassuaatigineqarlutik. Suaassutsini kinaassuseqarneq, suaassutsimik takussutissallit suliaassutsimullu ilisarnaatit pissutigalugit assigiinngisitsisoqarsinnaaneranik akiuniarneq pillugu inuit pisinnaatitaaffii pillugit institutimit allakkiap assilinera ilanngussaq 4-tut ilanngunneqarpoq.

Siunersiuineq

Ulloq 8. november 2023-mi Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq Inatsisinut Ataatsimiititaliamut sassartinneqarpoq, tamatumani Istanbulimi isumaqatigiissutip aammalu tunngavissarititaasut pingasut; tassaasut suaassutsini kinaassuseqarneq, suaassutsimik takutitsineq aamma suaassutsit ilisarnaataat; akornanni imminnut atassuteqarnerat oqallisigineqarluni. Siunersiuinissamut aggeqqusissutip Naalakkersuisullu oqalugiaataata assilineri ilanngussaq 5 aamma 6-itut ilanngunneqarpoq.

Apeqqutit

Inatsisinut Ataatsimiititaliap ulloq 1. november 2023-mi Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq ilisimatitsiffiusumik ataatsimeeqatigaa, tamatumani naligiissitaaneq assigiinngisitsinnginnissarlu pillugit inatsisisatut siunnersuutip ilusiligaanera Naalakkersuisumit nassuaatigineqarluni. Ataatsimiititaliap ilisimatitsiffiusumik

ataatsimeeqatigiinnissamut aggeqquissutaata Naalakkersuisunullu ilaasortap inatsisip ilusiligaaneranut nassuaataata assilinerat ilangussat 7 aamma 8-tut ilangunneqarput.

Ataatsimiititaliap siunnersuummik suliarinninnera

Assiinngisitsinnginnissami tunngavissarititaasut, tassaasut suaassutsini kinaassuseqarneq, suaassutsimik takutitsineq aamma suaassutsit ilisarnaataat qanoq atorneqartussatut naatsorsuutigineqarsinnaanersut Inatsisinut Ataatsimiititaliammi suliarinninnermi ilaatigut oqaluserineqarpoq.

Taamaattumik nunani tamalaani nunanilu nalinginnaasumik sanilliuttakkatsinni maleruaqqusat qanoq ittu atuunnersut kiisalu qanoq misilittagaqartoqarnersoq paasisaqarfingissallugu Inatsisinut Ataatsimiititaliamit pingartinneqarpoq.

Suaassutsini kinaassuseqarneq, suaassutsimik takutitsineq aamma suaassutsit ilisarnaataat pissutigalugit assigiinngisitsisoqarsinnaaneranik akiuininarneq ukiuni kingullerni nunani tamalaani naalagaaffimmilu nukitorsarneqarpoq. Akiuininarneq Naalagaaffinni Peqatigiinni sanngiinnersaavoq aammalu suliassaqarfimmi nunarsuaq tamakkerlugu nalinginnaasumik isumaqatigiissutaannginneranik ersiutaalluni. Akerlianik innuttaasoq suaassutsikkut kinaassutsini pissutigalugu immikkoortitaappat, tamatuma Europami Inuit Pisinnaatitaaffii pillugit Isumaqatigiissummut (EMRK) akerliunissa ilimanarluinnarpoq. EMRK-mili illersugaaneq isumaqatigiissutip atuuffianut killeqarpoq, taamaallaallu naalagaffimmit iliuuserineqartunut atuulluni.

Inuup suaassutsikkut kinaassutsiminik imaluunniit suaassutsimik takutitsinera pissutigalugit immikkoortitaannginnissamut illersornissaanut EU-mi inatsisini immikkut aalajangersagaqanngilaq. Suaassutsimik allannguinissamik siunertaqartuni imaluunniit suaassuseq allanngorlugu suliaritissimasuni, suaassutsikkut kinaassutsip illersugaanera EU-mi eqqartuussivimmit akuerineqarpoq. EU-mi eqqartuussinikkut suaassutsikkut kinaassutsip ataatsimut isigalugu assigiinngisitsinerup inerteqqutaaneranut ilaaneranik aalajangiisumik aalajangiisoqanngikkaluartoq, suaassutsikkut kinaassutsip EU-p naligiissitaaneq pillugu maleruagassiaani illersugaasinnaasutut EU-mi kommissionimit naliliivigineqarpoq.

Danmarkimi inuit nalagaaffimmit inuiaqatigiinnilu namminersortumik ingerlataqartunit assigiinngisitaanermut illersugaapput. Tamanna suliffinni suliffiillu avataanni suaassutsikkut kinaassuseq, suaassutsimik takutitsineq suaassutsikkullu ilisarnaatit tunngavigalugit pisortat suliffeqarfiilluunniit immikoortitseqqusaannginnerannik isumaqarpoq.

Immikkoortitsisoqarsinnaaneranik inerteqqut nalinginnaasumik ininik assersuutigalugu atisaajartarfinnik aalajangersimasumik aaqqisuussinissamik pisussaaffeqarnermik nassataqanngilaq. Taamaattorli aalajangersimasumik pisariaqartitsisoqaleraangat naammaginartumik nalimmassaasoqarnissa piumasaqaataalluni. Taamaalilluni unammilligassaasinnaajumaartussat aaqqiagiilluni aaqqiivigineqartassapput. Pisussaffiup

tamatuma annertussusaanut pisoq aalajangersimasoq apeqqutaassaaq, maannamuugallartorlu ikittuinnarnik aalajangiisoqarpoq. Taamaalillutik atisaajartarfinnut, kinaassusersiutinik atuinermut parnaarussivinnullu tunngasut immikkut apeqqutaalerput.

Atisaajartarfiiit

Inunnguutsimit akerliusumik suaassuseqartutut misigisut atisaajartarfinnut suaassuseq tunngavigalugu immikkoortitikkanut periarfissaqarnerannut tunngatillugu pisoqalerpat, tamanna aaqqiagiilluni aaqqiivigineqartassaaq. Atuisut allat kannguttartuunerat eqqarsaatigalugu, assersuutigalugu arnap inunnguutsiminit akerliusumik suaassuseqartutut misigisup ilaatigut arnat atisaajartarfiannik atuisinnaannginnera pissusissamisoorsinnaavoq pisariaqarsinnaallunilu. Taama pisoqarsinnaanera naligiissitaaneq pillugu aalajangiisartut aalajangiinerni nr. 9110-mi aamma nr. 9383-mi isummerfigaat. Suliani taakkunani marlunni naluttarfiup arnamik inunnguutsiminit akerliusumik suaassuseqartutut misigisumik ilaqtariit atisaajartarfiannut inunnnullu innarluutilinnut atisaajartarfimmut innersuussinerata, naligiissitaaneq pillugu inatsimmut akerliuneranik apeqqummut tunngassuteqarpoq. Aalajangiisartut naliliinerat naapertorlugu immikkut naliliineq tunngavigalugu kannguttartuunerlu eqqarsaatigalugu, naammagittaalliuuteqartup arnat atisaajartarfiat atorsinnaanngilaa. Tamatumunnga atatillugu naluttarfik atisaajarfissamik allamik naammagittaalliuuteqartumut neqeroornikkut sapinngisamik pitsaanerpaamik aaqqiissuteqarniarsimavoq. Taamaammat naammagittaalliuuteqartup arnat atisaajartarfianni atisaajarsinnaannginnera inatsimmut akerliunngilaq.

Kinaassusersiutit

Inunnguutsimit akerliusumik suaassuseqartutut misiginermut kinaassusersiut kukkusoq atorneqarpat, tamannalu inuttaata inuttut naleqassusaanik innarliiniarneruppat inuttaanullu sioorasaarinermik, akeqqersimaarnermik, nikassaanermik, ajukkunnermik imaluunniit nuanniitsumik pilersitsiniarneruppat sunniiniarneruppalluunniit tamanna assigiimmik pineqarnissaq pillugu inatsisinut akerliusinnaavoq. Akerlianik kinaassusersiut eqqunngitsoq atorneqarsimappat nalinginnaasumik oqaatsinik atuinermi oqartoorneuinnarpat assigiinngisitaanerup inerteqqutaaneranut akerliussaaq. Suliami naligiissitaaneq pillugu aalajangiisartuneersumi, ilaqtariinnut siunnersorti angajoqqaamut suaassusaa nammineq misigisaanut naapertuutsinngitsumut, taamanikkut arnatut ateqlereersimasumut, arnatut ateqartumut, arnatut inuttut normoqartumut arnatullu atisaqartumut angutaaneraanera angutaagallaramilu aqjanik atuinera, nikassaanerusoq taamaalillunilu assigiinngisitsinerusoq aalajangiisartut naliliipput.

Paarnaarussiviit

Eqqartuussanik angutinut arnanullu immikkoortunut inissiisarnerit, pingaarnertut inuttut normu, tassalu parnaarussap inatsisitigut suaassusaa tunngavigalugu pisarput. Parnaarussap inatsisitigut suaassusaa parnaarussap suaassutsikkut kinaassusaanit aamma/imaluunniit inunnguutsiminik suaassusaanit allaappat inissiinissamut ataasiakkaani aalajangersimasumik naliliineq tunngavigineqassaaq. Naliliinermi tamatumani inuup pineqartup paarnaarussallu allat eqqarsaatigalugit isumannaallisaanissaq ilangunneqarsinnaassaaq.

Tamanna tunngavigalugu ataatsimiititaliamit ersersikkusunneqarpoq inatsisisatut siunnersuummi siunertarineqartoq ataatsimiititaliamit tapersorsorneqarmat, tassalu assigiinngisitsinernik akiuniarnissaq kiisalu naligiimmik pisinnaatitaaffeqarnissap periarfissaqaqarnissallu qulakteernissaat. Inatsisip piviusunngortinneqarnissaa eqqarsaatigalugu ineriartornermut malinnaanissaq pingaaruteqartoq ataatsimiititaliaq aamma isumaqarpoq. Taamaattumik inatsisip qanoq atorneqarnera pillugu Inatsisartunik malinnaatitseqqullugit Naalakkersuisut kaammattorneqarput.

Naligiissitaaneq pillugu aalajangiisartut qanoq katiterneqartariaqarnersut Inatsisinut Ataatsimiititaliap siunnersummik suliarinninnermini ilaatigut oqaluuseraa.

Inatsisisatut siunnersuut Naligiissitaaneq pillugu aalajangiisartunik matuma kinguliani allassimasunik inuttalinnik pilersitsinissaq pillugu aalajangersakkanik imaqarpoq, tak. § 22, imm. 1-4:

Aalajangiisartut 1-imik siulittaasoqarput aammalu 4-nik allanik ilaasortaqlutik.

Naalakkersuisut siulittaasoq, inatsisilerinikkut ilinniagartuutut angusilluni soraarummeersimasoq, Nunatta eqqartuussisuanit inassuteqarneq malillugu, toqqassavaat.

Naalakkersuisut kattuffinnit, peqatigiiffinnit, sullissivinnit il.il. inassuteqaatit malillugit Naligiissitaaneq pillugu aalajangiisartunut ilaasortat toqqassavaat. Inassutigineqartut suliassaqarfinni Inatsisartut inatsisaanni matuman i sammineqartuni ataatsimi arlalinniluunniit suliatigut upternarsarneqartunik ilisimasaqassapput, aalajangiisartut taamaalillutik taamaattoqarsinnaatillugu tunngavissaatinneqartunik § 4-mi taaneqartunik tamanik ataatsimut ilisimasaqassapput.

Naalakkersuisut Naligiissitaaneq pillugu aalajangiisartut katitigaaneranni, suaassutsit aappaanniittut annerpaamik ilaasortamik ataatsimik amerlanerutillugit, toqqaassapput.

Aalajangiinerit innuttaasut inatsisitigut isumannaatsuunissaat eqqarsaatigalugu qaffasissumik pitsaassuseqarnissaannik qulakteerisumik katiterinissap qulakteerneqarnissaa Inatsisinut Ataatsimiititaliamit pingartinneqarpoq. Tassunga atatillugu ataatsimiititaliap erseqqissaatigissallugu kissaatigaa Naligiissitaanissaq pillugu aalajangiisartunut inassutigineqartut tamatigoortumik katitigaasariaqartut, taamaattumillu ilaatigut tamanna pissutigalugu inuit ataasiakkaat Naligiissitaaneq pillugu aalajangiisartuni ilaasortassatut imminnut inassutiginissaminut allanilluunniit inassuteqarnissaminut aamma periarfissaqaqtinnejqassasut.

Aammattaaq aaqqissuussinerup sunniuteqarluartup aningaasaqarnikkullu isumatusaarfiusup anguniarneqarnissaa pingaaruteqartoq Inatsisinut Ataatsimiititaliaq isumaqarpoq.

Taamaattumik Naligiissitaaneq pillugu aalajangiisartut katitigaanerat allatseqarfimmillu sullinneqarnerat sunniivigeqatigiinnissaq anguniarlugu aalajangiisartunut allanut siunnersuisoqatigiinnullu ataqatigiissillugit sappinngisamik aaqqissuunneqartariaqarput.

Sammineqartup suussusia eqqarsaatigalugu Naligiissitaaneq pillugu aalajangiisartut atuunnerat pillugu ammalluinnartuunissamik qulakkeerinneqquillugit Naalakkersuisut Inatsisinut Ataatsimiititaliamit kaammattorumaneqarput. Aalajangiisartut aalajangigaat innuttaasut taamaalillutik nittartakkakkut ilaatigut iserfigisinnaassavaat.

Kalaallisut oqaasillit suliffeqarnermi immikkoortinnejangannginnissaat qanoq qulakkeerneqarsinnaanersoq Inatsisinut Ataatsimiititaliamit aamma oqaluuserineqarpoq. Tassunga atatillugu Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisumit nassuaammik ataatsimiititaliaq pissarsiniarpoq.

Inatsisisatut siunnersuummi § 8, imm. 3-p kiisalu tamatumunnga nassuaatit allanngortinnissaat siunertarineqartumut naapertuussinnaasoq naalakkersuisup nassuaammi siunnersuutigaa.

Aalajangersagaq assersuutigalugu ima oqaasertaliorneqarsinnaavoq:

” Imm. 3. §§ 4-imiit 7 ilanngullugu aamma § 15 apeqquatainnagit, atorfinititsitaanermi atugassaritaasuni kalaallit oqaasiisa atorneqarnissaat pillugit piumasaqaatinik aalajangersaasoqarnissaanut Inatsisartut inatsisaat manna akornutaanngilaq.”

Aalajangersakkamut nassuaatit assersuutigalugu ima oqaasertalerneqarsinnaapput:

”Inatsisartut inatsisaata assiginngisitsinissamut inerteqquteqarnera, qinnuteqartunut kalaallisut oqaasilinnut sallititsinissamut akornutaassannginnera aalajangersarneqassasoq, siunnersuutigineqarpoq.”

Oqaasertaliorerit taakku atorlugit inatsimmi assiginngisitsinnissamut malittarisassanut akerliunngitsumik sulisisitut atorfinititsinerminni sulisitsinerminnilu kalaallisut oqaasilinnik saliutitsinissaq aalajangersinnaassavaat.

Tamanna tunngavigalugu allannguutissatut siunnersummik saqqummiusseqquillugit Naalakkersuisut kaammattorneqassasut ataatsimiititaliami amerlanerussuteqartut aalajangerpaat.

Siunnersuutip aningaasaqarnikkut kingunerisassai

Siunnersuutip piviusunngortinneratigut aningaasaqarnikkut kingunerisassat siunnersuummut nalinginnaasumik oqaaseqaatit ataanni nassuaatigineqarput.

Ataatsimiititaliap inassuteqaatai

- Tamanna tunngavigalugu aammalu allannguutissatut siunnersummik, matuma kinguliani taaneqartumik, saqqummiussisoqarnissaanik amerlanerussuteqartut kaammattuutaannik Naalakkersuisut malinninnissaat naatsorsuutigalugu inatsisisatut siunnersuut Naalakkersuisut allannguutissatut siunnersuutitut saqqummiussaat ilanggullugu akuerineqassasoq ataatsimiititaliami **amerlanerussuteqartut Inuit Ataqatigiinneersut Siumumeersllu** inassutigaat.
- § 8, imm. 3-mut allannguutissatut siunnersuut matuma kinguliani allassimasoq Naalakkersuisunit saqqummiunneqaqqullugu **amerlanerussuteqartut Inuit Ataqatigiinneersut Siumumeersllu** kaammattuutigaat:
Imm. 3. §§ 4-mit 7-mut aammalu § 15 apeqqutaatinnagit atorfinititsaanermi atugassarititaasuni kalaallit oqaasiisa atorneqarnissannik piumasaqaatinik aalajangersaanissamut Inatsisartut inatsisaat manna akornutaanngilaq.

Ataatsimiititaliap taama oqaaseqaateqarluni isumaliutissiissumilu allassimasutut paasinnil-luni inatsisisatut siunnersuut aappassaaniigassanngortippaa.

Anders Olsen
Siulittaasoq

Mette Arqe-Hammeken
Siulittaasup tullia

Harald Bianco

Asii Chemnitz Narup

Kuno Fencker